

დაბა ჩაქვი

„10“ 04, 2018 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „სს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს (მუხლი 2, „ა“ ქვეპუნქტი) შესაბამისად, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“), წარმოდგენილი უმაღლესი საბჭოს აპარატის უფროსის მაია ხაჯიშვილის სახით ერთი მხრივ და შპს „დიაგნოსტიკა აჭარა“ (შემდგომში „მიმწოდებელი“), წარმოდგენილი დირექტორის ნოდარ ჭაღალიძის სახით მეორე მხრივ, გამარტივებული შესყიდვის საშუალებით, ვაფორმებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს აჭარის ავტონომიური რესპუბლიკის უმაღლესი საბჭოს ბალანსზე რიცხული მიკროავტობუსი „ფორდ ტრანზიტი“-ს (სახელმწიფო ნომერი SC502AU) გზისთვის ვარგისობაზე ინსპექტირებასთან დაკავშირებული მომსახურება – CPV კოდი: 71600000 (შემდგომში „მომსახურება“), წინამდებარე ხელშეკრულებით გათვალისწინებული პირობების შესაბამისად.

1.2. წინამდებარე ხელშეკრულების საფუძველზე, „მიმწოდებელი“ კისრულობს ვალდებულებას, მთლიანი სახელშეკრულებო თანხის ფარგლებში, უზრუნველყოს „შემსყიდველის“ ბალანსზე რიცხული მიკროავტობუსი „ფორდ ტრანზიტი“-ს (სახელმწიფო ნომერი SC502UA) გზისთვის ვარგისობაზე ინსპექტირება, ხოლო „შემსყიდველი“ კისრულობს ვალდებულებას მიიღოს მოთხოვნილი „მომსახურება“ და გადაიხადოს მისი ღირებულება ხელშეკრულებით დადგენილი წესით.

1.3. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის

2. მომსახურების გაწევის პირობები, ადგილი, ვადები, რაოდენობა და ღირებულება

2.1. შესასყიდი მომსახურების გაწევა მოხდება მხარეების მიერ ხელშეკრულების ხელმოწერის დღიდან არაუგვიანეს 2018 წლის 20 მაისამდე პერიოდში, შემსყიდველის (კოორდინატორის) მოთხოვნის შესაბამისად, მოთხოვნისთანავე.

2.2. შესასყიდი მომსახურების გაწევა მოხდება მისამართზე: ქ. ბათუმი, აეროპორტის გზატკეცილი N129.

2.3. შესრულებული მომსახურება ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

2.4. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

3. მომსახურების ღირებულება და ანგარიშსწორების წესი

3.1. ხელშეკრულების ჯამური ღირებულება შეადგენს 100 (ასი) ლარს.

3.2. ხელშეკრულების ჯამური ღირებულება მოიცავს შესასყიდი მომსახურების მიწოდებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს. კანონმდებლობით დადგენილი გადასახადების გადახდას უზრუნველყოფს მიმწოდებელი.

3.3. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

3.4. მიმწოდებელთან ანგარიშსწორება განხორციელდება ფაქტობრივად შესრულებული და ჩაბარებული მომსახურების რაოდენობისა და მოცულობის გათვალისწინებით, სათანადო საანგარიშსწორებო დოკუმენტების საფუძველზე, შესასყიდი მომსახურების წინამდებარე ხელშეკრულების 2.3.-2.4. პუნქტების შესაბამისად მიღების შემდეგ.

3.5. შემსყიდველი ვალდებულია, მიმწოდებლის მიერ საანგარიშსწორებო დოკუმენტების წარმოდგენიდან ხუთი სამუშაო დღის ვადაში დაადასტუროს ან უარი თქვას საანგარიშსწორებო დოკუმენტების დადასტურებაზე შესაბამისი დასაბუთებით. ანგარიშსწორება განხორციელდება საანგარიშსწორებო დოკუმენტების დადასტურებიდან არაუგვიანეს ხუთი სამუშაო დღის ვადაში.

3.6. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.

3.7. მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

3.8. თუ შემსყიდველის მიერ ხელშეკრულებით განსაზღვრული შესასრულებელი მომსახურების ღირებულება ღირებულებამ არ შეადგინა აღნიშნული ხელშეკრულებით გათვალისწინებული თანხა, ასეთ შემთხვევაში შემსყიდველი მიმწოდებელს გადაუხდის ფაქტობრივად შესრულებული მომსახურების მოცულობის ღირებულებას. ამასთან მხარეები თანხმდებიან, რომ აუთენტიკური მომსახურების ღირებულების ანაზღაურებაზე მიმწოდებელს პრეტენზია არ გააჩნია.

4. მხარეთა უფლება-მოვალეობანი

4.1. „მიმწოდებელი“ ვალდებულია:

ა) გაუწიოს „შემსყიდველს“ მომსახურება დროულად, ამ ხელშეკრულებით გათვალისწინებული წესით და დადგენილ ვადებში, დამატებითი დანახარჯის გაწევის გარეშე;

ბ) შეტყობინების მიღებისთანავე უზრუნველყოს მომსახურების მიღების ან/და საბოლოო შემოწმების შედეგად გამოვლენილი დეფექტის/ნაკლის აღმოფხვრა, წუნდებული მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე.

4.2. „მიმწოდებელი“ იძლევა გარანტიას შესრულებული მომსახურების ხარისხზე, მის შესაბამისობაზე ხელშეკრულებით გათვალისწინებულ პირობებთან.

4.3. „მიმწოდებელს“ უფლება აქვს მოითხოვოს ფაქტობრივად შესრულებული და ჩაბარებული მომსახურების ღირებულების ანაზღაურება ხელშეკრულებით გათვალისწინებული წესით და დადგენილ ვადებში.

4.4. „შემსყიდველი“ ვალდებულია მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.

4.5. „შემსყიდველს“ უფლება აქვს:

ა) მოითხოვოს „მიმწოდებლისაგან“ შესასყიდი მომსახურების შესრულება დროულად, ხელშეკრულებით დადგენილი წესით და დადგენილ ვადებში შემსყიდველის მხრიდან დამატებითი დანახარჯის გაწევის გარეშე;

ბ) მოითხოვოს „მიმწოდებლისაგან“ მომსახურების მიღების ან/და საბოლოო შემოწმების შედეგად გამოვლენილი დეფექტის/ნაკლის აღმოფხვრა, წუნდებული მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე.

გ) უარი თქვას უხარისხო შესრულებული მომსახურების მიღებაზე თუ იგი არ შეესაბამება ხელშეკრულებით გათვალისწინებულ პირობებს.

5. მხარეთა პასუხისმგებლობა

5.1. წინამდებარე ხელშეკრულებით გათვალისწინებული პირობების არაჯეროვანი შესრულებისათვის, მათ შორის ვადების დარღვევის შემთხვევაში, ვადის გადაცილებული მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს შესასრულებელი ვალდებულების შესაბამისი ღირებულების 0.02%.

5.2. წინამდებარე ხელშეკრულებით გათვალისწინებული პირობების შეუსრულებლობისათვის ან ნაწილობრივ შესრულების შემთხვევაში მიმწოდებელი ვალდებულია პირგასამტეხლოს სახით აუნაზღაუროს შემსყიდველს ხელშეკრულების პირობების შეუსრულებლობისათვის ხელშეკრულების საერთო ღირებულების, ხოლო ნაწილობრივ შესრულების შემთხვევაში შესასრულებელი (დარჩენილი) ვალდებულების შესაბამისი ღირებულების 10%.

5.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადაატარებს ხელშეკრულების ჯამური ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

5.4. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

6. ხელშეკრულების პირობების ინსპექტირება

6.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასყიდი მომსახურების ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.

6.2. ხელშეკრულებით ნაკისრი ვალდებულებების შესრულების ინსპექტირების განხორციელებაზე და მიღება – ჩაბარების აქტზე ხელმომწერ უფლებამოსილ პირებს წარმოადგენენ – სატრანსპორტო მართვისა და ექსპლუატაციის განყოფილების უფროსი: პლატონ მანჯგალაძე და ამავე განყოფილების მეორე კატეგორიის უფროსი სპეციალისტი ზვიად ფარტენაძე.

6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

7. ხელშეკრულების ძალაში შესვლა და მოქმედების ვადები

7.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

7.2. ხელშეკრულება მოქმედებს 2018 წლის 20 ივნისამდე.

8. ზოგადი დებულებები

8.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.3. შესასყიდი საქონლის ფასი ფიქსირებულია წინამდებარე ხელშეკრულებით და შეიძლება შეიცვალოს მხოლოდ მხარეთა ურთიერთშეთანხმებით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს ხუთი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.6. მხარეები თანხმდებიან, რომ:

ა) ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;

ბ) წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე;

გ) არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

ე) თითოეული მხარე კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.

8.7. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

9.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

10. ინტერესთა კონფლიქტი

10.1. შემსყიდველის მხრიდან ხელშეკრულებაზე ხელმოწერი პირი და ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირი (კოორდინატორი), „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

11. დავათა განხილვის წესი

11.1. მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

12. მხარეთა იურიდიული მისამართები და რეკვიზიტები

„შემსყიდველი“

აჭარის ავტონომიური რესპუბლიკის
უმადლესი საბჭო

მის.: დაბა ჩაქვი, მეგენეიშვილის ქ. №25
საიდენტიფიკაციო კოდი: 245 425 749
სახელმწიფო ხაზინის ერთიანი ანგარიში
სახელმწიფო ხაზინის ბანკის კოდი: TRESGE22

„მიმწოდებელი“

შპს „დიაგნოსტიკა აჭარა“

მის.: ქ. ბათუმი, აეროპორტის გზატკეცილი N129
ანგარიშის № GE59BG0000000212984200
საიდენტიფიკაციო კოდი: 248 431 905
მიმღების ბანკი: სს „საქართველოს ბანკი“
ბანკის კოდი: BAGAGE22
ტელ.: 577773375

აპარატის უფროსი



მ. ხაჭიშვილი

დირექტორი



ნ. ჭაღალიძე

ხელწერილი

ინტერესთა კონფლიქტის არარსებობის შესახებ

დაბა ჩაქვი

„10“ აპრილი, 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, აჭარის ავტონომიური რესპუბლიკის უმაღლეს საბჭოსა და შპს „დიაგნოსტიკა აჭარა“ შორის 2018 წლის „10“ აპრილს გაფორმებული „სახელმწიფო შესყიდვების შესახებ“ N 4- ხელშეკრულებაზე ხელმოწერი პირი, უმაღლესი საბჭოს აპარატის უფროსი მაია ხაჯიშვილი და მიმწოდებლის შერჩევაში მონაწილე პირები, სატრანსპორტო მართვისა და ექსპლუატაციის განყოფილების უფროსი: პლატონ მანჯგალაძე და ამავე განყოფილების მეორე კატეგორიის უფროსი სპეციალისტი ზვიად ფარტენაძე, წინამდებარე ხელწერილზე ხელის მოწერით ადასტურებენ, რომ აჭარის ავტონომიური რესპუბლიკის უმაღლესი საბჭოს მიერ, გამარტივებული შესყიდვის საშუალებით, გზისთვის ვარგისობაზე ინსპექტირებასთან დაკავშირებული მომსახურებ - CPV კოდი: 71600000, განხორციელებასთან დაკავშირებულ პროცედურებში მათი მონაწილეობა შპს „დიაგნოსტიკა აჭარა“ მიმართებაში არ იწვევს ინტერესთა კონფლიქტს.

უმაღლესი საბჭოს აპარატის უფროსი:

 მაია ხაჯიშვილი

სატრანსპორტო მართვისა და ექსპლუატაციის
განყოფილების უფროსი:

 პლატონ მანჯგალაძე

სატრანსპორტო მართვისა და ექსპლუატაციის
განყოფილების მეორე კატეგორიის უფროსი სპეციალისტი:

 ზვიად ფარტენაძე